

新刊國朝二百家名賢文粹

新刊 國朝二百家名賢文粹卷第二百六

書

師友問答七

荅景仁論樂第一書

司馬溫公

九月二十一日光再拜白景仁足下蒙示房生尺法大生嘗得古本漢書云度起於黃鍾之長以子穀秬黍中者一黍之起積一千二百黍之廣度之九十分黃鍾之長一爲一分今之誤脫之起積一千二百黍八字故自前世以來累黍爲尺縱置之則太長橫置之則太短今新尺橫置之不能容一千二百黍則大其空徑四釐六豪是以樂聲太高又嘗得閬苑中笛及方響校太常樂下五律教坊樂下三律皆由儒者誤以一黍爲一分其法非是不若以一千二百黍實管中隨其短長斷之以爲黃鍾九寸之管九十分其長爲一分就取三分以度空徑數合則律正矣景仁比來盛稱此論以爲先儒用意豈不能到可以正積

古之謬法一世之惑尤切思之有所未諭者凡數條敢書布陳  
幸景仁教之景仁曰房生家有漢書異字今本尤按累黍求尺  
其來久矣生所得之書不知傳於何世而相承積謬由古至今  
更大儒甚衆曾不悟也又其書既云積一千二百黍之廣何必  
更云一黍之起此四字者將安施設劉孝駿班孟堅之書不宜  
如此冗長也且生欲以黍實管中乃求其長何得謂之積一千  
二百黍之廣孔子稱必也正名乎必若所云則爲新尺一丈二  
尺得無求合其術而更戾乎景仁曰度量權衡皆生於律者也  
今先累黍爲尺而後制律是律反生於度而黍無乃非古人之  
意乎光謂不然夫所謂律者果何如哉向使古之律存則吹其  
聲而知聲度其長而知度審其容而知量校其輕重而知權衡  
今古律已亡矣非黍無以見度非度無以見律律不生於度與  
黍將何從而生邪夫度量權衡所以佐律而存法也古人所爲  
制四器者以相參校以爲三者雖亡者其一存則三者從而同

推也又謂後世器或壞亡故載之於書形之於物夫忝者自然之物有常不變者也故於此寓法焉今四器既亡不取於忝將安取之凡物度其長短則謂之度量其多少則謂之量稱其輕重則謂之權衡然量有虛實衡有低昂皆易差而難精等之莫若因度求律之爲審也房生今欲先取客一侖者爲黃鍾之律是則律生於量也量与度皆非律也舍此取彼將何擇焉景仁曰古者律法空徑三分圍九分今新律空徑二分四釐六豪此四釐六豪者何從出邪光謂不然夫徑三分圍九分者數家言其大要耳若以密率言之徑七分者圍二十有一分也古之爲數者患其空積忽微之太煩則上下之所謂三分者率成數而言耳四釐六豪不及半分故弃之也又管律至小而忝粒体圓其中豈無負戴能空之憂而必欲責其絲忽不差耶景仁曰生以一千二百忝積實於一管中以為九寸就取其三分以為空徑此自然之符也光授景法方尺之量所受一斛此用累忝之法

校之則合矣若從生量度法變矣而量法自如則一斛之物豈能滿方尺之量乎景仁曰量權衡皆以千二百黍為法同得度法獨用一黍光按黃鍾所生凡有五法一曰備數二曰和聲三曰審度四曰嘉量五曰權衡量與衡据其容與其重非一千二百黍不可至祗度法止於一黍以為分無用其餘若數與穀則無所事黍矣安在其必以一千二百為之定率也景仁曰生云今樂太高太常黃鍾竽當古之仲呂不知生之所謂仲呂者果后夔之仲呂耶開元之仲呂耶若開元之仲呂則安知今之太高非昔之太下耶笛与方響量若之樂庸工所為豈能尺得律呂之正乃欲取以為法考定雅樂不亦難乎此皆光之所大惑也君子之論無固無我惟是之從景仁苟有以解之使瑩然明白則莫不歛衽服義豈欲徒為此談談也不宣

荅范景仁第二書

九月二十三日光再拜景仁足下前者妄為書以干聰明意發

就大君子波所疑也退而懼曰房生老儒遠來景仁方欲就其名而我難問不置得无罪於景仁乎既又自解曰景仁惟義之從非人之私也我又何懼昨日得所示書然後釋然知不我罪而猶教我幸甚幸甚然其中猶有未察愚意而直以強辭挫之此所以憤憤不得飲默必當自伸者也景仁曰我違羣公之議而下与匹士合且獲戾於朋友此何言也光雖不肖豈肯教景仁枉道上同以取容哉顧所論如何耳論苟是孰雖褐寬博當從而事之論苟非孰雖万乘之君滋不受也若以爲彼貴人也論雖是當非之此寒士也論雖非當是之亦非中正之道光所不爲也景仁曰如光之說以尺生律漢書不當先言不起黃鍾之長而後論用黍之法是大不泯光非謂太古以來律必生於度也景仁以近世古律不存故返從法度求之耳安得不謂之度生於黃鍾之長邪景仁曰安知今之太高非昔之太下是不知齊者之論是則然矣然能知齊之正者果誰邪又曰徒知

古今樂器之名爲異而不知其律與齊之同夫古今樂律與齊  
之同光亦知之所不知者今樂之太簇或應古樂之大呂今樂  
之大呂或應古樂之黃鍾則非光之所及知也豈徒光耳自非  
古之神瞽誰適知之景仁曰就使得真黍用庶之法制爲律呂  
无忽微之差乃黃帝之仲呂也夫真黍不難得而律呂不難制  
若欲求无忽微之差則難矣乃遽以房生之智謂與黃帝同亦  
少褒矣景仁謂光欲成其名而不知所附若抱橋柱而浴者光始  
聞景仁論房生尺則未敢謂之然當是時豈前知諸公咄房生  
之議乎蓋景仁欲以此抑之使不敢語耳苟欲立論求是者安  
避此譏哉避此譏而不爲非正直也若乃尺法之可疑者則前  
書論之已詳惟景仁未賜勲察耳光復何言若終如是而不可  
變則願附景仁之言以達來世之君子而質是非焉古之朋交  
无不切磋琢磨以明其道景仁必不罪其不從已而往返不已  
也不宣光再拜

登范景仁第三書

光啓近於夢得處連得所賜兩書聞延西湖浮漚水登香英樓  
望陘山起居甚適差尉勤想又蒙教以宜觀素問病源有療病  
導引之方且云鑄周輔漢斛已成欲令光至穎昌就觀之雖古  
之儒者聞善相告見善相示勤勤懇懇殆不過此其幸与感何  
可勝言但以家兄約非久入洛須留此待之不可捨去故未敢  
輕諾徒增耿耿景仁所教誠善矣孔子曰益者言尔志切不  
自揆敢尽其所聞可以養生及治樂之道薦于左右譬猶嘉穀  
既植必使傭役從而耘耨之大厦既構必使賤工從而礱斲之  
然後克成其粹美也景仁可能不鄙而聽之乎嘗記昔者与景  
仁同在貢院充點檢官主文試進士民受天地之中以生論當  
是時場中秉筆者且千人皆以為民之生无不稟天地中和之  
氣也其文辭之美固多矣以愚觀之似皆未得劉康公之言嘗  
歆私出鄙意而論之因循汨沒卒不能就於今三十五年矣因



景仁教以養生之道敢誌之康公之言曰民受天地之中以  
生所謂命也是以有動作禮義威儀之則以定命也能者養之  
以取福不能者敗之以取禍今成子惰弄其命矣蓋所謂生者  
乃生存之生也夫中者天地之所以立也在易為太極在書為  
皇極在禮為中庸其德至矣大矣死以尚矣上焉治天下下焉  
脩一身捨是莫之能矣就其小小者言之則養生亦其一也何  
以知之夫人之有疾也必自於過與不及而有之陰陽風雨晦  
冥必有過者為飢飽寒燠勞逸喜怒哀樂必有偏者焉使二者各得  
其中無疾矣陰陽風雨晦冥之所施也飢飽寒暑勞逸喜怒哀  
樂之所為也人之所為苟不失其中則天之所施雖過亦莫能  
傷矣木朽而蠅蠹焉肉腐而虫聚焉人之所為不得其中然後  
病襲焉故曰養倫而動時則天不能病也是以聖人制動作禮  
義威儀之則所以教民不陷于中不溺於中所以定命也能者  
則養其中以享福不能者則敗其中以取禍是皆在己非在他

也詩云人而無禮胡不遄死記曰人有禮則生無禮則死人無  
禮則失中失中則奔命矣劉康公所以能知成肅公之將死蓋  
用此道也彼素問病源之說雖佳恐漫汗支離不若此道之爲  
明且約也昔者聖人造次而動不爽於和縱心所欲不失其中  
施之於身則有餘矣將以教天下垂後世則未能也是故謂六  
律五聲八音七始以形容其心制吉凶寔軍嘉禮以軌物其德  
使當時及後世之人雖四海之遠千載之久聽其樂則洋洋乎  
其心和常若聖人在其上循其禮則肅肅然其體正常若聖人  
之動其勞是以大夫無故不撤簠簠簠士無故不撤琴瑟朝夕出  
庭起居未嘗不在禮樂之間以取其放心檢其慢志此禮樂之  
所以爲用也及周室既衰禮缺樂弛典章亡逸疇人流散律度量  
衡不存乎世咸英韶濩不傳乎人重以暴秦焚滅六籍樂之  
要妙存乎聲音其失之甚易求之甚難自漢以來諸儒取諸官  
臆以憶度古法牽于文義拘于名數校竹管之短長計黍粒之

多寡競於無形之域訟於無證之庭迭相否臧紛然無已雖使  
后夔復生亦不能浹彼周輔出於考工記事非經見是非固未  
得而知如漢制者乃劉歆爲主莽爲之就使其器尚存亦不足  
法況景仁復改其制度恐徒役心力費銅炭而已孔子曰禮云  
禮云王帛云平哉樂去樂去鍾鼓去乎哉先王之樂餘音遺  
文既不可得而覩聞矣蓋亦反其本乎樂記曰禮樂不可以斯  
遠去身致樂以治心則易直子諒之心油然而生矣易直子諒之  
心生則樂樂則安安則久久則天天則神天則不言而信神則  
不怒而威致樂以治心者出致禮以治躬則莊敬莊敬則嚴嚴  
中心斯須不和不樂而鄙詐之心入之矣外自斯須不莊不敬  
而易慢之心入之矣樂也者動於內者也禮也者動於外者也  
樂極和禮極順內和而外順則民瞻其顏色而弗與爭也望其  
容貌而民不生易慢焉此樂之本禮之原也夫樂之用不過於  
和禮之用不過於順二者非徒宜於治民乃兼所以養生也如

光者虽知之常病未能行之今老矣猶庶幾強勉而孝焉以養其餘生亦願景仁共勸此道捐其末求其本捨其派取其源致樂以和其內致礼以順其外內和則疾疹不生外順則災患不至疾疹不生則樂災患不至則安既樂且安志氣平泰精神清明暢乎安安乎百体如此則工何以不若伶倫師曠壽何以不若召康衛武鬻經病源皆可撻罔黜漢斛耆銷矣景仁以為如何哉抑礼樂乃天地人之大倫自古大賢君子尚不敢輕而光狂簡小子輒妄言及之是宜得誅絕之罪於聖人賴景仁之知我如鮑叔之知管仲也以為僭不以為狂庶幾有可采擇於其中焉不宣

答范景仁第五書

光啓范朝散來領二月二十三日及晦日兩書所云通中書果嘗得蓋三三曰書即是也夫治心以中此舜禹所以相戒也治氣以和此子思子所以養浩然者也孔子曰爵祿可辭也白刃可蹈也中庸不可能也然則中和者聖賢之所難而來示謂光心

未嘗不平氣未嘗不和猶不免於病此言過矣以光方尺古人  
乃下之下者也於聖賢之道嘗不能望其藩籬然亦知中和之  
美可以為養生作樂之本辭如万物皆知天之為高日之為明  
莫不瞻仰而歸向之誰能政而及之邪向所以薦于左右者欲  
而景仁黽勉共事之耳安能遽入其域邪至於景仁去冬為酒  
所困故于耳鼓于牙是亦過中之所為也又云今之尺乃古之  
尺今之權衡乃古之權衡惟量比所為律十三分二之大此無  
他出於魏晉以來貪政也光謂尺量權衡自秦漢以來變更多  
矣今之尺與權衡豈得猶是先王之所用邪彼貪者知大其量  
以多取人穀豈不知大其尺以多取人帛大其權以多取人金  
乎且尺量權衡公私所共用也歟之以大量則給之亦以大量  
貪心何所得乎此則衆共知其不然明矣黃金方寸其重一斤  
恐亦倨今之尺與權衡言之耳唐自安史之亂雅樂土器什不  
一存迷於黃巢蕩元子遺有所盈孫者更按考工記始鑄鍾鐃

十二五代用之周世宗更命王朴考正其音律今以景仁律驗之在未位也已中黃則是太常鐃鐘下七律也不知何故反以爲合又景仁所謂律與輔斛之分數光未甚解豈非語其容受邪景仁亦以千二百黍爲龠則二百四十萬黍爲一斛以今斛槩之何啻大十三分之二邪此皆愚所不及非面議莫之尽向謂景仁必入洛庶得相與極論養生作樂之本今景仁既不來光又不得往鬱鬱之志殊未央也不宣

荅范景仁第六書

光再拜自四月來連於夢得處領三書以無的便久未之報惟景仁必能察其非惰慢也來書主輔斛論甚確光寡李於鐘律實所不解不足以辨是非向者互相攻難聊自戲笑耳今若喋喋爲報乃是求勝而強相加爭言而競侈息非素志也且置是論至於中和爲養生作樂之本此皆見於經傳非取諸光之曾臆不可忽也詩云呦呦鹿鳴食野之苹鹿得美草猶呼其類共

食之况君子得美道可不告其執友而共學之乎何光區區仰告之勤而景仁却之之堅曾不熟察也來示云致中和天地位焉萬物育焉言帝王中和之化行則陰陽和動植之類蕃非為一身除病也夫中和者大則天地中則帝王下則匹夫細則昆虫草木皆不可湏臾離者也豈帝王可行而一身則不可行為人苟能無失中和則無病豈待已病然後除之邪夫養生用中和猶割雞用牛刀所益誠微然生非中和亦不可養也譬如用勺水滌一器景仁見而責之曰夫水所以浮天載地生育萬物汝何得用之滌器如此則可乎又云孟軻養浩然之氣言榮辱禍福不動其心非除病之謂也夫志氣之帥也苟不以中和養其志氣能浩然乎苟氣不浩然則榮辱禍福交攻之終日戚戚隕穫充詘能無病乎孔子曰仁者壽又曰大德必得其壽彼仁與德捨中和能為之乎又云向之病誠猶飲食過中是過飲食之中非中和也光誠愚不知飲食之中非中和更為何物也光

所願者欲景仁奉措去爲造次顛沛未始不存乎中和豈於飲食獨捨之乎此則尤所不解也夫中和之道崇深闊遠無所不容人從之者如鳥獸依林去者如魚鼈出水得失在此於彼奚損益焉而光重複反復言之何噓溫以助春吹寒以佐冬徒自困苦夫何爲哉正以遇所忠愛不能自默耳夫已自未能力行而遽以強人此孔子所謂道聽而塗說宜人之不見信也然景仁明如離朱中和之益著於南山豈景仁所不能睹哉或者偶未之思耳向者所蒙教誨問敢忘之但承其意不承其術謹當熟讀中庸以代素問棠源熟讀樂記以代考工記律曆志庶幾有得於桑榆庶幾其端皆自益友之賜也至幸至幸至感至感

荅范景仁第七書

光啓許人至得五日所賜書氣休休佳至慰筆喜示諭孔子孟軻亦病凡議論者以此所有佐彼所闕以此之是變彼之非告之以忠進之以直彼當察之以公受之以虛若饋獻之相益



貿易之相資各得所求故可貴也光前獻樂議景仁巨拒之今獻中和之論又不售若墨翟守千仞之城以待勦敵使光何自而入焉夫聚財異於用兵用兵則貴必勝聚財則貴多得今光屢有所獻皆不克納借使光肯伏其不勝然於景仁亦何所得哉豈可徒恃無窮之辭請亦置是論處暑以來天氣頻涼謹護自愛而已不宣

答范景仁第八書

光啓六月中於夢得處連辱兩書冒爾以通鑑欲進御結絕文字日不暇給以是闕然久不修報計景仁雖惟之必知其非疎怠也光与景仁自皇祐中論樂迄今三十年筆舌往返前後非一今更欲竭肺腸以仰告亦止於陳言重複抵增煩瀆無益於析理也然景仁今書所詰責者亦不可不略自辨來示云光与胡阮前非李照今復主之光皇祐中所上聞者正以房庶妾改漢書以就私意謂景仁不宜信而從之近日所上聞者止為景

仁以今之太府尺即黃帝時尺恐不然至於音律高下素非其所習學實不曉其是非亦不知王李胡阮之相去幾律何嘗敢有所主有所非耶此則所不敢當也來示云經有注釋之未安史有記錄之害義理者不可不正此則誠然然須新義勝舊義新理勝舊理乃可奪耳如洛平沂十月五星聚東井之類是也至於房庶所改漢書云二黍之起積一千三百黍之廣全不成文理豈可遽改舊書邪其餘則如景仁之意殊塗而同歸景仁以禮樂為治國之大而不可慢光豈以為小而可慢邪景仁吹律呂考鐘磬校尺量鑄補斛以求先王之樂光謂先王之樂大要主於中和而已亦猶景仁謂衣有青赤黃白黑之異光謂主於溫而已矣景仁謂食有酸苦甘辛鹹之異光謂主於飽而已矣然則景仁豈能全廢光之說光豈敢全不用景仁之論邪彼諸家言樂者各有十二律五音更相是非如五方之人言語不通飲食不同各謂我是而彼非孰能正之從景仁之樂視之

則王朴君臣民事物皆不相干李昭皆失其位使二人復生於今日視景仁之樂未知其六何也若欲知其真是真非必有如伶倫石鼓師曠者始能知之耳今既未有其人願景仁且以所著樂說尚光言合藏之以俟後世必有知樂者能辨之也光之言止於此自景仁更以論樂相示光亦不敢對也不宣

荅溫公論樂第一書

范忠文公

九月二十二日鎮再拜復書君實足下昨日辱書以為鎮不當為議狀是房庶尺律法始得書懽然而懼曰鎮違群公之議而下與匹士合有不適中宜獲戾於朋友也既讀書乃釋然而喜曰得君實之書然後知庶之法是而鎮之議為不謬庶之法與鎮之議於今之世用與不用未可知也然得附君實之書傳於後世使後世之人贊之故終之以喜也君實之疑凡五而條目又十數安敢不盡言解之君實曰漢書傳於世久矣更大儒甚眾庶之家安得善本而有之是必謬為脫文以欺於鎮也是

大不然鎮豈可欺哉亦以義理而求之也春秋夏五之闕文據  
記玉藻之脫簡後人豈知其闕文與脫簡哉亦以義理而知之  
也猶鎮之知庶也豈可逆謂其欺而置其義理哉又云一黍之  
起於劉子駿班孟堅之書爲冗長者夫古者有律矣未知其長  
幾何未知其空徑幾何未知其容受幾何豈可直以千二百黍  
置其間哉越一黍積而至一千二百然後滿故曰一黍之起積  
一千二百黍之廣其法與文勢皆當然也豈得爲冗長乎若如  
君實之說以尺生律漢書不當先言本起黃鍾之長而後論用  
黍之法也若尔是子駿孟堅之書不爲冗長而反爲顛倒也又  
云積一千二百黍之廣是爲新尺一丈二尺者君實之意以積  
爲排積之積廣爲一黍之廣而然邪夫積者謂積於管中也廣  
者謂所容之廣也詩云乃積乃倉孟康云空徑之廣是也又云  
孔子曰必也正名乎者此孔子教子路以正衛之父子君臣之  
名公豈積與廣之謂邪又云古人制律與尺量權衡四器者以

相參校以爲三者苟亡得其一存則三者從而可推也者是也又  
去黍者自然之物有常而不亦至是也古人之應後世其意  
或當如是然古以律生尺古人之意既知黍之於後世可以爲  
尺豈不知黍之於後世亦可爲律而故於其法爲相戾乎若如  
君實之說則是古人知一而不知二也知彼而不知此也又去  
徑三分圍九分者數家之大要不及半分則弃之也者今三分  
四釐六毫其圍十分三釐八毫豈得謂不及半分而弃之哉且  
律呂之用天地精液陰陽疎密不能揔括不可差其妙忽至使  
鄭康成以餘分離爲數千筭其奇零用明注解豈有三分之二內  
剩餘毫六毫弃而不取哉又言律管至小而黍粒斡圓其中豈  
無負戴飛空之處欲責其然恕不差邪者此足以見君實大不  
曉律呂聲音之甚也設使空徑只取三分更無出整毫六毫其容纔  
一千二十黍任使敵撼滿溢餘一百七十更無所容若更所容則長  
其爲一寸三分強方始容受曾不知其聲已展下三律矣

漢書曰律容龠得八十一寸謂以九分之龠乘九寸之長九九而八十一也今圓分之法既差則新尺與量未必具也如欲知庶之量與尺合試驗之乃可又云權衡與量據其容與其重必于一百黍而後可至於尺法止於一黍為分無用其餘若以生於一千二百黍是生於量也且夫黍之於施權衡則曰黃鍾之重施於量則曰黃鍾之龠施於尺則曰黃鍾之長其實皆一千二百也此皆漢書正文也豈得謂一黍而為尺邪豈得謂尺生於量邪又云庶言太常樂太高黃鍾適當古之仲呂不知仲呂者果何憂之仲呂邪開元之仲呂耶若開元之仲呂則安知今之太高非昔之太下者此正是不知聲者之論也無復議也又云方響為笛里巷之樂庸士所為不然盡得律呂之正者是徒知古今樂器之名異而不知其律與聲之同也亦無復議也就使得真黍用庶之法制為律呂無忽微之差乃黃帝之仲呂也豈真庶憂開元之太下乎書曰律和聲方聲之時使蕤典樂猶用律

而后能和聲今律有四釐六豪之差以爲適然而欲以求樂之  
所以制朝廷制作之意其可得乎其可得乎太史公曰不附青  
雲之士則不能成名君實欲成其名而知所附矣惟其是而附  
之則可其不是而附之安可哉諺曰抱檣柱而浴者必不溺君  
實之議無乃爲浴者類乎君實見谷不敢不爲此談談也

荅司馬溫公第二書

九月二十四日鎮復書君實足下鎮豈不知君實者耶知君實  
者也君實之爲人也其性介其言辯其性介故惡不介之名其  
言辯故能窮物之義理故鎮以不介之事加君實以起君實之  
辯而窮尺律之義理因之以爲戲也孔子曰前言戲之耳詩云  
善戲謔兮不爲虐兮君實何恤而憤憤不得飲默哉來書六百  
七十有公言而二百五十言及尺律就二百五十言去前書重  
複者其言无幾耳君實之辯義理於此而止乎將亦有隱而未  
發者何其釋不介之事多而論尺律之事少也君實以爲古者

以律起尺後世以尺起律鎮以為古者以律起尺後世亦以律  
起尺前書是之矣不復言也君實云今樂之大簇或應古樂之  
大呂今樂之大呂或應古樂之黃鍾以為君實所不得知也者  
豈直君實哉古之神瞽亦不得知也豈直古之神瞽哉古之后  
稷亦不得知也何哉无律也古者以律而考齊也書曰律和齊  
周礼曰執同律以聽軍齊是也前書是之矣不復言也君實言  
鎮云用庶之法則黃帝之仲呂以為養庶之智与黃帝侔者非  
也今農大治田來牟收粟黍稷稻粱以時而布之或耘之或耔  
之或先種而後鋤之或後種而先鋤之有過之者曰此后稷之  
法也農夫之智果后稷乎庖人鑽耒取火承以束蘊傳以新煖  
治鳥獸之辱炮之燔之烹之烹之有過之者曰此炎帝之法也  
庖人之智果炎帝乎醫者能知藥有陰陽配合子母兄弟根莖  
花葉金石骨內有單行者有相須者有相使者有相畏者有相  
惡者有相反者有相制者又能知人之手足口耳眼鼻膚髮心



腹腎腸受病之處而療之有過之者曰此神農之法也鑿者之  
智果神農乎然則君實之亦鎮亦未得也君實以為鎮不孰察  
君實之書尚有條曰乎幸一二跡示

卷司馬溫公第三書

辱書言考工記及劉歆所鑄斛并素問病源不可不復切以謂  
舜巡而岳則同律尺量權孔子曰謹權量四方之政行焉必是  
知聖人之於尺量權衡特以為治者而尺量權衡必本於律  
必有齊以考其和此樂所由作也周之黼黻之斛其法具存魏  
晉以來其尺至有十五種蓋由橫黍縱黍所為而不稟於律也  
然卒不能作樂止用舊界終唐之世无變改者至周王朴始用  
魏晉所弃之法遂以仲呂為黃鍾太祖皇帝患之特下一律仁  
宗皇帝留意數十年終無所得及上仙太皇猶以李昭胡璉所  
鑄銅律置神御前然李昭以縱黍累尺与今大府尺同其律又  
應古樂而鐘磬纔中大簇是樂与律自相矛盾胡璉之樂君

實詳知之此不復去前歲議樂按視太常鐃鐘皆有大小輕重  
非三代不能爲然最大者今爲林鐘而仲呂乃居黃鐘子位故  
之正差五律而前後言者相符雖未經鐃鑿尚可補治若以大  
小次之必得其正近又用李照之樂則不若仲呂之愈也何則  
太簇商聲宋子京所謂君寶寄於呂管是也是大不可又況十  
二律皆有清聲花曰新撰譜而鄭衛無異而以薦郊廟可乎考  
工記世以爲漢儒所爲漢志載劉歆之說多所率合其亦於三  
書深疑之近因駟斛致其制作不復疑矣又知太府之尺尚權  
衡皆古之稟於律者惟量出於晉魏之貪政而律不合須君實  
面言乃悉竊以爲論此者今世無如吾二人講求問難之多而  
且久也得君實來協同其說以破千餘年之惑爲右世之傳則  
吾徒事業固亦不細矣難兄若朝夕來不敢奉邀候歸陝旅首  
垂訪春中却同入洛幸也劉康公論極佳此誠非舉人之所能  
劉然素問專主於鑿非皇帝莫能爲者甚至頴昌已再讀矣頃

有所得恨讀之晚病源乃申素商之說易為觀覽若君實不  
倦亦不可忽於身大有所益聖人之於後世如此但恐未可焚  
燒酬酢費銅炭則然亦不可錯弄待念不宣其再拜

荅司馬溫公第四書

人來得二月十六日手書泉休朕已就平復不勝喜慰又云平  
心和氣以治未病君實之心未嘗不平其氣未嘗不和而不能  
治未病鎮切恐所用之鑒如所議之樂器鑒為樂皆出於黃帝  
岐伯乃當時之工也聖人立法之時不可不如此周采然其書  
不若虞書之典雅周漢間依託以取重者亦然也尺量權衡亦  
起於當時何則已有律也至虞書同律尺量衡舜慮四方此三  
物者不稟於律則風俗不可以統同故每歲巡於方岳下考而  
齊一之安得謂不恃此以為治今之尺乃古之尺今之權衡乃  
古之權衡前年以古樂聲為黃鐘長九寸三分損一為林鐘長  
六寸律皆圓九分黃鐘積實得八百一十分三分損一林鐘得

五百四十分十二律皆如此率而其聲叶此乃增律之一寸以  
爲天豈生於量也與今之太府尺正同又以黃金方寸重一兩  
乃知太府權衡皆古法也惟量比律計二分二之大此蓋出於  
魏晉以來貪政也即以所制考太常鑄鐘未位者大者乃應黃  
鍾子位中者應仲呂前後人言高五律者不虛矣古者十二鐘  
皆有大小猶十二律之有短長也猶觚斛之有輕重也以律之  
徑三分至觚之方尺圓其外之百三十分六千八百分斛之方尺  
圓其外觚旁九釐五豪之百六十二分皆無差也律者樂之本  
也鐘鼓去乎哉蓋病後世專事鐘頭而不知本也刑名之書  
謂之律者取此也五刑之屬三千其罪之大小情之輕重苟不  
以律則不得其當猶無律而定樂也朝先生律圖十分三釐八  
豪者八圖九分者一圖八分四釐者一圖七分九釐五豪者一  
外有損益而內無損益何也爲聲之不協比也黃鐘之律短也  
黃鍾之律短者由以尺而生律也君實若不見過一觀觚斛鎮

權後世待君實爲執一而不變人也非所聞之君實也

荅司馬溫公第五書

鎮後秦君實足下厚手書言中和之難誠是也禮云致中和天地位焉萬物育焉言帝王中和之化行則陰陽和動植之類蕃非爲一身除病而欲焚鑿書也孟子養浩然之氣榮辱禍福之不能動其心非除病之謂也鎮向之病誠由飲食過中是過飲食之中非中和也尺与權衡合於律惟量爲三分二之大小自魏晉至秦漢俱不載於書不可知也大歛之大給之亦不可知也古有什一之稅而魯什一漢十五秦大半皆大歛也不必大其量是也亦恐便於用而致然爾今尺合於律權衡合於律而龠之輕重合於權衡尺之方深合於量又与古樂聲正同所謂量者一律之容爲一龠千六百四十龠爲一鬴百三万六千八百分之實也二千龠爲一斛百六十二万分之實也自古至今黃金無變者尺之法權衡之法不可變亦由是也其數與聲與尺

與權衡皆稟於律獨量為不稟必有自來矣不見於書所以  
其自魏晉也以胡先生樂書考之乃知其律鍾而聲高君實不  
求此而龍先儒之誤乃云未甚解鼙斛之分者正以此也君實  
深於樂請自律分推而至於權衡尺量則浼然無疑矣未位焉  
大者曰林鐘自六月至十一月則黃鐘位也非有七律子位中  
者曰仲呂自十一月至四月則仲呂位也前所謂各高五律非  
謬矣太常轉鐘恐非盈孫所為是時尺法亡久矣安得如考工  
記有大小輕重之法乎故云非周以前莫能為者累年議論不  
決特以漢書脫文及隋書所載先儒之誤非君實之誤也更詳  
思之不宜

荅司馬溫公第六書

君實示謝在書為皇極在礼為中庸在天為中和在人為中和  
天不中不和則病人人不中不和則病天此所謂天人相與之  
道也孔子大聖不能救周之衰孟子浩然之氣至大至剛不能

救戰國諸侯之乱何則無位也若夫閭巷之間數十百家同一  
日時無貧富貴賤賢不肖或病或死此所謂天病人也天病人  
者人病天也豈一人之身所致哉有位者之職也君實躬孔孟  
之道者家居而欲天地位万物育難矣哉語曰子疾病子子曰  
前日病今日愈是病亦不能除也樂議終未見果使續附三篇  
皆前議闕者幸詳覽焉

荅司馬溫公第七書

以律生尺黃帝之法也以尺生律秦邕及魏晉以來諸儒之誤  
也邕又謂銅律為銅簫君實以邕及魏晉以來諸儒之誤見既  
鎮報以黃帝之法豈非諒直而忠告者邪豈非佐彼之缺而  
彼之非者邪至若人有生而中和者有生而暴戾者生而中  
得孔樂以輔導之則為賢為聖以至于神而不可知生而暴  
戾不得孔樂以教訓之則為善良為賢才矣不得孔樂則遂為  
惡人不可陵革者也至于位天地育万物要須見在位設施之何如

鎮以所有以所是奉獻而君實略不虛以受之遽欲置是二說皆未可置必是非定乃已然後為公而不競於強誣也

荅司馬溫公第八書

鎮與君實議樂前後幾方言不出於以尺起律以律起尺二事為異同耳其餘則汎引傳記證佐而口口最先者君實以為房庶改漢書一黍之起積一千二百黍之廣八字鎮以為漢書前言分寸尺丈引本起黃鍾之長後言九十分黃鍾之長則八字者不可謂庶自為且庶亦不能為也尺律權衡皆以千二百黍在尺則曰黃鍾之長在量則曰黃鍾之侖在權衡則曰黃鍾之重皆千二百黍也豈獨於尺而為不成文理乎隋書諸儒之論始以一黍為一分之說若尔則黃鍾積實一千二百分而八百一十分者非也自蔡邕不能知謂銅律尺為銅侖尺黃鍾萬事根本尺量權衡之所重者而諸儒尺至有一十五種逮今千餘年无人是正吾儕業已留意可不為終之乎君實以青赤黃黑



皇於溫酸苦性辛鹹主於飽謂為其訖不然五色者之於衣  
華於身而已五味者之於食適於口而已烏取於溫飽而云乎  
哉則君實議樂正如是矣王朴之樂君臣民事物全不相干以  
仲呂為黃鍾而次比之知其然也李照之樂皆失位者以太簇  
為黃鍾而次比之知其然也此非面陳不可持國約石涼相見  
至時亦當一往以究其說君實云必有伶倫石叢師曠始能知  
之某以為三人亦不能知何則无律也書六律和聲礼云吹律  
聽軍聲傳云雖有師曠之聰不得六律不能調五聲故知三人者  
在亦不能知之无律故也君實云不論七條或然或否不知何  
者為然何者為否請一疏示當為修改某謂大府尺為黃帝時  
尺考李照之律而尺而知其然李照以太府尺縱黍而累之亦  
牽於隋書之說也然其樂比其律高三律二是而樂非也何以  
知今之尺是黃帝時尺以黃帝之法為律以起尺十二律内外  
皆有損益其聲和而為古樂合以為齠齠而其分數其輕重又

興周官漢斛銘並同無毫釐之差以此知天府尺天府權衡皆黃  
帝時物也其法與黃帝之法同起於律也隋謂之開皇官尺歷  
唐以至於今者謂隋唐尺則人皆信之謂黃帝時尺則皆駁矣  
自隋以來至唐以及五代最爲亂世而此物不變則自秦至三  
代及五帝而上至皇帝又何疑哉千歲之日今日是也謹此復命

與司馬溫公第九書

近奉書并樂論必已陳達切以古聖人之言禮樂如此其切至  
者以其奉天地社稷宗廟有君臣上下尊卑之分不可相逾越  
也自數年來用李照樂以太簇爲黃鍾則是商爲宮商爲宮者  
臣爲君也爲人臣者聞是而其心可安乎一時亦不可過矣先  
帝時鎮管屢言至今累年未見施行不知以爲如何忍留而至  
於此或者去今非議樂時將來大行鼓引奏嚴闔薄鼓吹管用  
此聲不可不慮不同向時手書往來以代戲笑況足下方居位  
天地育万物之職不可復去以俟來世以俟後人鎮時念捨此

無以奉裨不勝懇倒之至

與司馬溫公第十書

八月二十三日鎮頓首示諭天下之責四面輻湊信然非獨君實謂然鎮亦謂然自朝廷議樂迄今累年未嘗越人不用章甫足下職禮樂而自謂越人無乃不可乎又云以俟後世君子辟諸病人求鑿鑿者大請俟後世之名鑒則如之何今樂之君巨民事物皆失其位可謂病者而職禮樂者乃云以俟後世君子是太遼緩也但以李照律為鍾磬絲管呼大常樂工而面質之則皎然在前矣又云此非議樂時大行鼓引函籥奏嚴鼓吹皆用此聲不可不慮鎮則言李照律是而樂非既已効驗今茲宜少加信察不宣

新刊國朝一百家名賢文粹卷第一百六

新刊 國朝二百家名賢文粹卷第二百七

書

師友問答八

荅司馬溫公書

范忠文公

中庸曰中者天下之大本其傳曰中為大本者以其含喜怒哀樂禮之所由生政教自此出也鎮以為中者對外而為善者也君實曰中者不近四旁之名也指形而言之則有中有外此書以中庸為名所指者蓋德也非形也鎮以為心者在身之中有知而無形者也猶堂也對外而言則舉堂之內皆中也若不近四旁為中則堂之中又有中焉非所謂含藏之中乃得中之中也君實又曰喜怒哀樂之未發既謂之中則及其既發當謂之外鎮又以為發者由中出者也出而中即非外而何亦何必曰外又如君實之說此書以中庸為名指德而言則有中有和若然則終當去喜怒哀樂之未發謂之中發而皆中即謂之庸也

此書雖以中庸為名至於左右其說始終其義不害旁有證援也君實不喜老莊及輔嗣之說不敢復有稱引今直以本篇義明之經曰誠者天之道誠之者人之道也誠者不勉而中不思而得從容中道聖人也誠之者擇善而固執之也故有博學審問慎思明辨之說君實又曰易若治心養氣專以中為事動靜語默未嘗不在其中此正所謂擇善而固執之誠之者也至於不勉而中不思而得從容中道豈治心養氣者所能辨哉所謂誠者非別有他物也但誠其心而已矣心至於不勉不思而中道得天辟如鍾大叩之則大鳴小叩之則小鳴以其中虛也大自外而至者也鍾豈預設大小於中而應之哉所謂過與不及者亦因時稱事而為之中也時有異變事有異宜亦豈可預設中於心而待之也荀卿大學君實之所信也其論心不過曰虛曰靜曰定虛靜定雖非兀然如木石亦豈可形容哉孟子曰操則存舍則亡出入無時莫知其鄉惟心之謂歟亦言心之無

定在也書曰惟精惟一允執厥中蓋言心能精一則信執其中也君實既以大本之中便為無過與不及則其下豈當復云致而皆中耶也經曰惟至誠惟能及其性及其性則能及其人之性盡人之性則盡物之性盡物之性則可以贊天地之化育然則位天地育萬物蓋聖人得位者之所能也孔子曰子欲無言天何言哉四時行焉百物生焉此聖人有其道無其位者也經之末又引子曰聲色之於化民末也詩曰德輶如毛毛猶有倫以毛為猶有倫則又明以上天之載無聲無臭則聖人之心之德而天地參矣但可以意通而不可以形得也今天實然而體高蒼然而色正者天之形也雷風日月山澤為天之用者聖人深拱法宮其迹則百官承序萬物樂生究其用蓋有不可見者矣易曰形而上者謂之道形而下者謂之器語器則自天以下皆器也語道則不可見者皆道也孟子曰大而化之之謂聖聖而不可知之謂神非立天下之大本者其孰能与於斯愚故曰明

乎此者其見天地聖人之心乎

答韓求仁書

臨川先生

此承手筆問以所疑哀荒久不為報勤勤之意不可以虛辱故略以所問致左右不自知其中否也唯求仁所擇耳蓋序詩者不知何人然非達先王之法言者不能為也故其言約而明肆而深要當精思而熟講之耳不當疑其有失也二南皆文王之詩而其所繫不同者周南之詩其志美其道盛微至於趙趙武夫鬼置之人遠至于江漢汝墳之域久至於衰世之公子皆有以成其德召南則不能與於此此其所以為諸侯之風而係之召公者也夫事出於一人而其風不同如此者蓋所入有淺深而所施有久近故耳所謂大雅小雅者詩之序故曰政有小大故有小雅焉有大雅焉然所謂大雅者積衆小而為大故小雅之末有疑於大雅者此不可不知也又作詩者其志各有所主其言及於大而志之所主者小其言及於小而志之所主者大

此又不可不知也司馬遷以為大雅言王公大人而德治教業  
小雅譏小己之得失而其流及上此言可用也文宣王之大雅  
其善疑於小而幽王之王小雅其惡疑於大孟宣王之善微矣其  
大者如此而已幽王之惡大矣其小者如此而已凡序言刺某  
者一人之事也言刺時者非一人之事也刺言其事疾言其情  
也或言其事或言其情其實一也何以知其如此牆有茨衛人  
刺其上也而卒曰國人疾之而不可道也是以知其如此也刺  
亂為亂者作也閔亂為遭亂者作也何以知其如此平王之揚  
之水先束薪而後束楚忽之揚之水先束楚而後束薪周之亂  
在上而鄭之亂在下故也亂在上則刺其上亂在下則閔其上  
是以知其如此也管蔡為亂成王冲幼周公作鴟鴞以遺王非  
疾成王而刺之也特以救亂而已故不言刺亂也言刺亂刺桀  
刺者刺荒序其所刺之事也言刺時者明非一人之事耳非謂  
其不亂也閔雅之詩所謂悠悠哉輾轉反側者孔子所謂哀



而不傷者也何彼穠矣之詩所謂平王者猶格玉寧主而已非東周之平王也所謂齊侯者猶康侯寧侯而已非營丘之齊侯也鄭緇衣之詩宜也好也蓆也此其先後之序也此詩言武公父子善善之無已故序白以明有國善善之功焉蓆多也宜者以言其所善之當也多者以言其所善之衆也緇衣者君臣同朝之服也適子之館者就之也爲之改作緇衣而授之以祭者舉而養之也能就之又能舉而養之此所以爲有國者之善善而異於匹夫之善善也夫有國善善如此則優於天下矣其能父子善於其職而國人美之不亦宜乎生民之詩所謂是任是負以歸肇祀者言后稷敢開國任負所種之穀以歸而肇祀耳非以謂非帝祀於郊也所謂耶盛于豆于豆于登其香始升上帝居歆者言我既爲天子得祀郊則盛于豆登其香始升而上帝居歆耳非以爲后稷得郊也其卒曰胡臭曾時庶无罪悔以迄于今者言上帝所以居歆何臭之曾時乎乃以后稷肇祀

則庶無罪悔以迄于今得郊祀之時耳蓋所謂文武之功起于  
后楊成推以配天者此也衛有邶鄘之詩而詩者以謂衛後世  
并邶鄘而取之理或然也既無所受之則疑而闕之是也意誠  
而心正則無所為而不正故孔子曰詩三百一言以蔽之曰思  
無邪此詩之言故曰詩三百一言以蔽之也非以毛經為有異  
乎此也吾之所受者為此則彼者吾之所弃也所謂彼哉彼哉  
者蓋孔子之所弃也孔子曰管仲如其仁也揚子謂屈原如  
其智不智也猶之詩以不明為明又以不明為昏考其辭之終始  
則其文雖同不害其意異也忠足以及已恕足以及物雖孔子  
之道又何以加於此而論者或謂以孔子之道神明不測非忠  
恕之所能及雖然此非所以告曾子者也好勇過我者有所謂  
能勇而不能怯者也能勇而不能怯非成材也故孔子無取古  
者鳳鳥至河出圖皆聖人在上之時其言鳳鳥不至河不出圖  
者蓋曰無聖人在上而已矣顏子具聖人之體而微所謂美入

也其於薄五美屏四惡非待教也若夫鄭聲佞人則由外鑠我  
者也雖若顏子者不放而遠之則其於為邦也不能無敗書曰  
能世而惠何憂乎驪圻何畏乎巧言令色孔壬由此觀之佞人  
者堯舜之所難而況於顏子者乎夫佞人之所以人人者言而  
已言之入人不如聲之深則鄭聲之可畏固又甚矣孔子曰如  
有所譽者其有所試矣謂顏子三月不違仁者蓋有所試矣雖  
然顏子之行非終於此其後孔子告之以克己復禮而請事斯  
語矣夫能言動視聽以禮則蓋已終身未嘗違仁非特三月而  
已也語道之全則無不在也無不為也卒者所不能據也而不  
可以不心存焉道之在我者為德德可據也以德愛者為仁仁  
辟則左也義辟則右也德以仁為主故君子在仁義之間所當  
依者仁而已孔子之去魯也知者以為為無禮也乃孔子則欲  
以微罪行也以微罪行著依于仁而已禮此者也智知此者  
也信信此者也孔子曰是於道據於德依於仁而不及乎知義

智信者其說蓋如此也楊子曰道以道之德以得之仁以人之  
義以宜之禮以休之天也合則渾離則散一人而兼統四德者  
其身全乎然子曰失道而後德失德而後仁失仁而後義失義  
而後禮楊子言其合也子言其離此其所以異也韓文公知道  
有君子有小人德有凶有吉而不知仁義之無異於道德此爲  
不知道德也管仲九合諸侯一正天下此孟子所謂天之大任  
者也不能如大人正己而物正此孔子所謂小器者也言各有  
所當非相違也昔之論人者或謂之聖人或謂之賢人或謂之  
君子或謂之仁人或謂之善人或謂之士微子一篇記古之人  
出處去就蓋略有次序其終所記八士者其行特可謂之士而  
已矣當記此時此八人之行蓋猶有所見今亡矣其行不可得  
而效也無君子小人至于五世則流澤尽澤尽則服尽而尊親  
之礼息萬世莫不尊親者孔子也故孟子曰予未得為孔子徒  
也予私淑諸人也孟子所謂市廛而不征法而不廛者先儒以

國中之地謂之廛以周官攷之此說是也廛而不征者賦其市地之廛而不征其貨法而不廛者治之以市官之法而不賦其廛或廛而不征或法而不廛蓋制商賈者患其盛盛則人去本者衆又惡其衰衰則貨不通故法制以權之稍盛則廛而不征已衰則法而不廛文王之時閔譏而不征及周公制禮則凶荒札喪然後無征蓋所以權之也貢者夏后氏之法而孟子以爲不善者不善非夏后之罪也時而已矣貢難於君者吾聞之矣責善於友者吾聞之矣雖然其於君也曰以道事之不可則止其於友也曰忠告而善道之不可則止王驩於孟子非君也非友也彼未嘗謀於孟子則孟子未嘗與之言不亦宜乎求仁所問於易者尚非易之蘊也能及於詩書論語之言則此皆不問而可知其嘗彖易矣讀而思之自以爲如此則書之以待知易者質其義當是時未可以彖易也唯無師友之故不得其序以過於進取乃今而後知昔之爲可悔而其書往往已爲不知者

所傳追思之未嘗不愧也以某之媿悔故亦欲求仁博之蓋以  
求仁之才能而好問如此某所以告於左右者不敢不承冀有  
以亮之而已至於春秋三傳既不足信故於諸經尤為難知辱  
問皆不果荅亦冀有以亮之

荅王補之書

梅直講

辱書及文編書辭見所以來臨之意推道頃所注孫子并所為  
詩皆少時習尚狂漫徒欲以致功名於當時者不謂謬為人知  
傳在耳目非純儒之孝今以為媿也適觀足下十篇之作深厚  
詣道究古人之所不及發前史之所未及其至乎至者矣前日  
在歐陽永叔坐中已嘗覽足下之文相與歎激理意之高遠思  
二十年時所見文章始去對偶其用已為乎哉字之未能安稍  
安則謂之能文豈在識道理要趨向耶如足下今日之文當其  
時可謂傑出矣況今榜中有兄弟父子雄才與孝若曾子固蘇  
軾之徒又不可擬議是過於唐元和之人絕甚元稹韓退之

耳退之於今可以當吾永叔其李翱皇甫湜柳子厚未能當吾  
永叔之門人也足下亦在其門人之列僕生於是時得徧識而  
徧觀其進退道德亦以樂也又遊從於其間爲幸何如雖智不  
迨不敢退避庶幾附光漸潤期有聞於後世耳足下試詳僕言  
是缺他日冀更來尚足下面論茲以荅勤勤之心

荅雷太簡書

老泉先生

夫簡足下前月辱書泉諭朝廷將有召命且教以東行應詔旋  
屬郡有符亦以此驚遣承命自笑恐不足以當遂以病辭不果  
行計太簡亦已知之僕已老矣固非求仕者亦固非求不仕者  
自以閑居田野之中魚稻蔬筍之資足以養生自樂俯仰世俗  
之問切觀當世之太平其文章議論亦足以自取於一世何若  
乃以衰病之身委曲以就有司之權衡以自取輕笑哉然此可爲  
太簡道不可與流俗人言也向者權書衡論幾策皆僕之閑居  
所爲其間雖多言今世之事亦不自求出之於世乃歐陽永叔

以爲可進而進之苟朝廷以爲其言之可信則何所事試苟不信其平居之所云而其一日倉卒之言又何足信耶恐復不信也概以爲笑父居閑處終歲幸無事昨爲州郡所發遣徒益不樂耳楊旻至今未歸未得所惠書歲晚京師寒甚惟多愛

答安師孟書

東坡先生

辱書爲慰過厚吾子自以莢才積學取榮名於當時所宜德者平生之師友朝夕相與講學者也如軾何與焉然吾子之於軾其得失休戚軾所宜知何者其勢足以相及也向也聞七子者之失恍然如軾有失也既乃聞吾子之得則亦如軾之有得也今吾子書來以爲自爲喜者少而爲軾喜者多甚矣吾子之見愛也然彼七子者豈以一失爲戚哉彼將退治其所有益廣而新之則吾猶有望焉若吾子既得不驕而日知其所不足則軾之所得又將有大者也

荅舒煥書

東坡先生



軾頃首軾天資懶慢自少年筋力有餘時已不喜應接人事其於酬酢往反蓋嘗和矣而未嘗敢倡也近日知之衰病向所謂和者又不能給雖知其勢必爲人所恠怒但弛廢之心不能自克聞足下之賢久矣又知官守不甚相遠加之往來者具道足下雖未相識而相与之意甚厚亦欲作一書相聞然操筆復止者數矣因与賈君欽出足下送行一絕句其語有見及者醉中率尔和荅醒後不復記憶其中道何等語也忽辱手示乃知有公沙之語惘然如夢中事愧赧不已足下文章之美固已超軾世俗而追配古人矣豈僅荒唐無實橫得虛名者所能眩乎何其稱述之過也其詞則美矣豈効鄒偃相如高談馳騫不顧其實苟欲託僕以敷其宏麗新語邪歐陽公天人也恐未易過非獨不肖所不敢當也天之生斯人意其甚難非且使之休息千百年恐未能復生斯人也世人或自以爲似之或至以爲過之非狂則愚而已何緣會面一笑爲樂朱支使行念遽裁謝草草

荅黃魯直書

東坡先生

軾頓首再拜魯直教授長官足下軾始見足下詩文於孫莘老之坐上聳然異之以爲非今世之人也莘老言此人人知之者尚少子可爲稱揚其名軾笑曰此人如精金美玉不助人而人即之將逃名而不可得何以我稱揚爲然觀其文以求其爲人必輕外物而自重者今之君子莫能用也其後過李公擇於濟南則見足下之詩文愈多而得其爲人益詳意其超邁絕塵獨立萬物之表馭風騎氣以爲造物者遊非獨今之君子所不能用雖如軾之放浪自弃与世踈闊者亦莫得而友也今者辱書調累幅執禮恭甚如見所畏者何哉軾方以此求交於足下而懼其不可得豈意得此於足下乎喜愧之懷殆不可勝然自入夏以來家人輩更卧病忽忽至今裁荅甚緩想未深訝也古風一首託物引類莫得古詩人之風而軾非其人也聊復次韻以爲一笑秋暑不審起居何如未由會見万万以時自重不宣

答李端叔書

東坡先生

軾頓首再拜聞足下名久矣又於相識處徃徃見所作詩文雖不多亦足以髣髴其爲人矣尋常不通書問怠慢之罪猶可闕略及足下斬然在疚亦不能以一字奉慰舍弟子由至先蒙惠書又復懶不即荅頑鈍廢札一至于此而足下終不廢絕迹中再辱手書得過益隆覽之面熱汗下也足下才高識明不應輕許與人得非用黃魯直秦太虛輩語真以爲然耶不肖爲人所憎而二子獨喜見善如人嗜昌歆羊棗未易詰其所以然者以二子爲妄則不可遂欲以移之衆口又大不可也軾少年時讀書作文專爲應卒而已既及進士第貪得不已又舉制策其實何所用而其科号爲直言極諫故每紛然誦說古今考論是非以應其名耳人苦不自知既以此得因以爲實能之故譎譎至今坐此得罪幾死所謂齊虜以口舌得官真可笑也然世人遂以軾爲欺立異同則過矣妄論利害攬說得失此正制科人習

氣辭之候虫時鳥自鳴而已何足爲損益軾每恠時人待軾過  
重而足下又復稱說如此愈非其實得罪以來深自閉塞扁舟  
草屨放浪山水間與漁樵雜處往往爲醉人所推罵輒自喜漸  
不爲人識平生親友無一字見及有書与之亦不荅自辛庶幾  
免矣足下又復創相推与甚非所望本有癰瘻若有量犀有通以  
取妍於人皆物之病也謫居無事默自觀省回視三十年以來  
所爲多其病者足下所見皆故我非今我也無乃聞其聲不考  
其情取其華而遺其實乎抑將又有取於此也此事非相見不  
能盡自得罪後不敢作文字此書雖非文然信筆書意不意累  
幅亦不須示人必喻此意歲杪村居寒苦惟万万節哀強食不次

荅秦太虛書

東坡先生

軾啓五月末舍弟來得手書勞問甚厚自欲裁謝因循至今迨  
中復辱教感愧益甚比日履茲初寒起居何如軾寓居粗遣但  
舍弟初到筠州即喪一女子而軾亦喪一乳母悼念未衰又得

鄉信堂兄中舍九月中逝去異鄉衰病觸目懷感念人命脆弱  
如此又承見喻中間得疾不輕且喜復健吾情漸衰不可復作  
少年調度當速用道書方士之言厚自養鍊謫居無事頗窺其  
一二已借得本州天慶觀道堂三間冬至後當入此室四十九  
日乃出自非廢放安得就此太虛他日一為仕官所縻欲求四  
十九日閒豈復可得邪當及今為之但擇平時所謂簡要易行  
者日夜為之寢食之外不治他事但滿此期根本立矣此後縱  
復出從人事事已則心返自不能廢也此書到日恐已不及然  
日不須用冬至也寄示詩文皆超然勝絕疊疊焉來逼人矣如  
我輩亦不勞逼也太虛未免求祿仕方應舉求之應舉不可必  
切為君謀宜多著書如所不論兵及盜賊等數篇但似此得數  
十首皆卓然有可用之實者不須及時事也但旋作此書亦不  
可廢應舉此書若成聊復相示當有知君者想喻此意也公擇  
近過此相聚數日說太虛不離口筆老未嘗得書知未暇通問

程公闕遺其子履中哀詞賦本自哀作今豈可食言但得限以  
來不復作文字自持頗嚴若復一拜則決壞藩牆今後仍復  
哀多言矣初到黃廩入既絕人口不少私甚憂之但痛自節  
日用不得過百五十每月胡便取四千五百錢斷為三十塊挂  
屋梁上平日用畫又挑取一塊即藏去又仍以大竹筒別貯用  
不盡者以待賓客此賈耘老法也度囊中尚可支一歲有餘至  
時別作經畫水到渠成不須預慮以此曾中都無一事所居對  
岸武昌山水佳絕有蜀人王生在邑中往往為風濤所隔不能  
即歸則王生能為殺雞炊黍至數日不厭又有潘生者作酒店  
樊口棹小舟徑至店下村酒亦自醇醖柑橘柳柿極多大羊長  
尺餘不減蜀中外縣米斗二十有水路可致羊豕如北方猪牛  
麋鹿如土魚蟹不論錢收其監酒胡定之載書万卷隨行喜借  
人看黃州曹官數人皆家善庖饌喜作會太虛視此數事吾事  
豈不既濟矣乎欲与太虛言者無窮但紙尽耳展讀至此想見

一矢也子駿固吾所畏其子亦可喜曾與相見否此中有  
黃岡少府張舜臣者其兄堯臣皆云與太虛相熟兒子每蒙批  
問適會羣老乳母令勾當作墳未暇拜書歲晚苦寒惟万万自  
重李端叔一書託為達之夜中被微酒書不成字不罪不罪不  
宜輒再拜

荅畢仲舉書

東坡先生

軾啓奉別忽十餘年愚賢頓仆不復自比於朋友不謂故人尚  
爾記錄遠枉手教存問甚厚且審此來起居佳勝感慰不可言  
羅山素号善地不應有瘴癘豈歲時適爾既無所失亡而有得  
於齊寵辱忘得喪者是天相予也僕既以任意直前不用長者  
所教以觸罪咎然禍福要不可推避初不論巧拙也黃州濱江  
帶山既適耳目之好而生事百瀕亦不難致早寢晚起又不知  
所謂禍福果安在哉偶讀戰國策見東土顏蠅之語晝食以當  
夜食然而笑若蠅者可謂巧於居負者也菜羹藜藿差飢而食

其味與八珍等而既飽之餘芻豢滿前惟恐其不持去也美惡  
在我何与於物所示讀佛書及合藥救人二事以爲閑居之賜  
甚厚佛書舊亦嘗看但闇塞不能通其妙獨時取其淺淺假說  
者以目鋤治若農夫之去草旋去旋生雖若無益然終愈於不  
去也若世之君子所謂超然玄悟者僕不識也往時陳述古好  
論禪自以爲至矣而鄙僕所言爲淺陋僕嘗語述古公之所談  
譬之飲食龍肉也而僕之所學猪肉也猪之與龍則有間矣然  
公終日說龍肉不如僕之食猪肉實美而真飽也不知君所得  
於佛書者果何邪爲出死生超三乘遂作佛乎抑尚与僕輩俯  
仰也學佛老者本期於靜而達靜似懶達似放學者或未至其  
所期而先得 其所似不爲无害僕常以此自疑故亦以爲獻  
來書云處世得安穩無病貧衣飽飯不造冤業乃爲至足三復  
斯言感歎無窮世人所作孝足動念無非是業不必刑殺無罪  
取非其有然後爲冤業也無緣面論以當一笑而已



荅李昭玘書

東坡先生

軾啓向得王子中兄弟書具道足下每相見語輒見及意相予甚厚即欲作書以道區區又念方以罪垢放廢平生不相識而相向如此此人必有以不肖欺左右者軾所以得罪正坐名過實耳年大以來平日所好惡憂畏皆衰矣獨畏過實之名如畏虎也以此未敢相聞今獲來書累幅首尾句句皆所畏者謹再拜辭避不敢當然少年好文字雖自不能工喜誦他人之工者今雖老餘習尚在得所示書反復不知厭所稱道雖不然然觀其筆勢俯仰亦足以粗得足下爲人之一二也幸甚幸甚此曰復茲春序起居何似軾蒙庇粗遣每念處世窮困所向輒值墻谷無一遂者獨於文人勝士多獲所欲如黃庭堅魯直晁補之尤各泰觀太虛張耒文潜之流皆世未之知而軾獨先知之今足下又不見鄙欲相游從豈造物者專欲以此樂見厚也耶然此數字者挾其有餘之資而驚於無涯之知必極其所如往而後

已則亦將安所歸宿哉惟明者念有以反之曾直既受事歸  
好蔬食飲水此最勇決舍弟子由亦去學道三十餘年今始粗  
聞道考其言行則信与昔者有間矣獨軾悵悵然未有所得也  
徐守華老每有書來亦以此見教想時相從有以發明王子中  
兄弟得相依甚幸子敏雖失解乃得久處左右想遂琢磨成其  
妙質也徐州城外有王陵母劉子政二墳向欲爲作祠堂竟不  
暇此爲遺恨近以告華老不知有意作否若果作當有記文華  
老若不自作首足下當爲作也無由面言臨書惘惘惟順時自  
愛護奉手啓爲謝不宣獻再拜

荅李薦書

東坡先生

軾頓首先輩李君足下別後適中得二書皆未果荅重入來又  
辱長牋且審比日孝履無恙感慰深矣惠示古賦近詩詞氣卓  
越意趣不凡甚可喜也但微傷冗後當稍收斂之今未可也足  
下之文正如川之方增當極其所至霜降水落自見涯涘矣然不

可不知也錄亦孫之翰唐論僕不識之翰今見此書凜然得其  
為人至論褚遂良不諧劉洎太子瑛之廢緣張說張巡之敗緣  
房琯李光弼不當圖史思明宣宗有小善而無人君大略皆舊  
史所不及議論英茂暗與人意合者甚多又讀歐陽文忠公志  
文司馬君實跋尾益復慨然足下欲僕別書此文入石以爲  
之翰不朽之記何也之翰所立於世者雖無歐陽之文可也而  
況款託字畫之工以求信於後世不以陋乎足下相待甚厚而  
見譽過當非所以爲厚也近日士大夫皆有僭侈無涯之心動  
輒欲人以周孔之言自孟軻以下者皆憮然不滿也此風殆不  
可長又僕細思所以得禍患者皆由名過其實造物者所不能  
堪與無功而受千鍾者其罪均也深不願人造作言語務相粉  
飾以益其疾足下所與游者元稹讀其詩知其為超然奇逸人  
也緣足下以得元君爲賜大矣唐論文字不少過煩諸君錄寫  
又以見足下所與游者皆好享喜事其善甚善獨所謂未得名

世之士爲志文則未葬者恐於礼未安司提文子問於子思  
服既除然後葬其服何服子思曰三年之喪未葬服不變除何  
有焉昔晉溫嚌以未葬不得調古之君子有故不得已而未葬  
則服不變官不調今足下未葬豈有不得已之事乎他日有在  
世者既葬而表其墓何患焉辱見厚不敢不尽承伏惟卽哀  
自重

THE  
LIBRARY  
OF THE  
MUSEUM OF  
ART AND  
ARCHAEOLOGY  
OF THE  
UNIVERSITY OF  
CHICAGO

新刊 國朝二百名家賢文粹卷第二百六

書

師友問答

答張文潛書

東坡先生

顏首文潛縣丞張君足下別久思仰到京公訟紛然未暇奉書  
忽辱手教且審起居佳勝至慰至慰惠示文編三復感歎其美  
君之似子由也子由之文實勝僕而世俗不知乃以爲不如其  
爲人深不願人知之其文如其爲人故汪洋淡泊有一倡三歎  
之聲而其秀傑之氣終不可沒作黃樓賦乃稍自振厲若欲以  
發其憤懣望有而或者更謂僕代作此尤可笑是殆見吾善者機  
也文字之衰未有如今日者也其源實出於王氏王氏之文未  
必不善也而患在干好使人同己自孔子不能使人同顏淵之  
仁子路之勇不能以相移而王氏欲以其學同天下地之美也  
同於生物不同於所生惟荒瘠斥鹵之地彌望皆黃茅白草此

則王氏之所同也。近見章子厚言：「先帝晚年甚患文字之陋，欲稍變取士法，特未暇耳。」議者欲稍復詩賦，立春秋、子官，其事甚美。僕老矣，使後生猶得見古人之大全者，正賴黃魯直、秦少游、晁無咎、陳履常、而君等數人耳。如聞君作大學博士，願益勉之。德輔如毛，民鮮克舉之。我儀圖之，愛莫助之。此外千万善愛，偶飲卯酒醉來，人求書不能復覩，獲。

荅虔州休翁括奉議書

東坡先生

軾頃自資深使君閣下，前日辱訪，龍不長牋及詩文一編，伏讀數日，廢卷拊掌。有范子之歎。孔子曰：「辟達而已矣。」物固有是理，愚不知知之，患不能達之於口而手，所謂文者，能達是而已矣。文人之盛，莫如近世。然私所敬慕者，獨陸宣公一人。家有公奏議善本，頃待講讀，嘗繕寫進御區區之忠，自謂庶幾於孟軻之敬王。且欲推此學於天下，使家藏此方人挾此藥，以待世之病者，豈非仁人君子之至情也哉！今觀所示議論，自東漢以下十

蕭然歎辭古以馭今有意於濟世之實用而不志於耳目之觀  
夷此正平生所望於朋友与凡李道之君子也然去歲在都下  
見一醫工頗藝而窮慨然謂僕曰人所以服藥端為病者欲以  
適口則莫如芻豢何以藥為今孫氏劉氏皆以藥與孫氏期於  
治病不擇甘苦而劉氏專務適口病者宜安所去取而劉氏富  
倍孫氏此何理也使君斯文未卒售於世然售不售且憂所  
當挂口哉聊以鼓一笑耳進宣公奏議有一表輒錄呈不須以  
示人也餘英面謝不宣載再拜

荅王庠書

東坡先生

獻啓遠蒙差人致書問安否輔以藥初養甚厚自二月二十  
五日至七月十三日凡百二十餘日乃至求陸善方餘里矣罪  
戾遂黜既為親友憂又使此兩人苦跋涉万里比其還家幾及  
此歲此君愛我之過而重其罪也但喜比來侍奉多暇起居佳  
勝賦罪大責薄居此固宜無足言自墮獲之邦僵仆相屬於前



然亦皆有以取之非寒暖失宜則飢飽過度苟不犯此者亦未  
遽病也若大期至固所不逃又非南北之故矣以此居之泰然  
不煩深念前後所示著述文字皆有古作者風力大略能道意  
所欲言者孔子曰辭達而已矣辭至於能達止矣不可以有加  
矣總說一篇誠哉是言也西漢以來以文設科而文始衰自賈  
誼司馬遷其文已不逮先秦古書况其下者文章猶兩兒所謂  
道德者乎若所論周勃則恐不然平勃未嘗一日忘漢陸賈爲  
之謀至矣彼視產祿猶几上肉但將相調和則大計自定若如  
君言先事巡營則乞后竟悟誅兩人而漢亡矣軼少時好議論  
古人既老涉世更變往往悔其言之過故樂以此告君也儒者  
之病多空文而少實用賈誼陸賈之卒殆不傳於世若病且死  
獨欲以教子弟豈意姻親中乃有王郎乎三覆來貺書并不已  
應奉者志於得而已今程試文字千人一律考官亦厭之未必  
得也如君自信不固必不爲時所弃也又况得失有命決不可

移乎勅守所望以卒遠業相見無期方乃目重而已人還謹奉  
手啓少謝方一不宣

荅潮州吳秀才書

東坡先生

軾啓遠辱尊人魚教具審比來起居佳勝感慰之至馬子野先生游幾二十年矣始以六丈待制師中之言知其爲人李公人豪也於世少所屈伏獨與子野書云白雲在天引領何及而子野一見僕便論出世間法以長生不死爲餘事而以練氣服藥爲土苴也僕雖未能行然喜誦其言蓋嘗作問養生一篇爲子野出也近者南遷過真興聞見子野第一語久得喪休戚事猶謂僕曰邯鄲之夢猶足以破妄而歸真子今自見而身履之亦可以少悟矣夫南方雖暑爲瘴癘地然死生有命初不由南北也且許過我而歸自到此日夜望之忽得來教乃知子野尚在北不遠當來赴約也至甚幸甚長書稱道過實讀之慨然所論孟揚荀韓諸子皆有理詞氣脩然又喜子野之有佳子弟也然

昆仲以子野之故雖未識面懸相喜者則附師一書足矣何至使人輒足遠來文致酒麵海物荔子芋棧豈以口腹之故千里勞人哉感婉厚意無以去諭過廣州買得檀香數斤定居之後杜門燒香閉目清坐深念五十九年之非耳今分一半非以為往復之禮但欲昆仲知僕斗掃身心澡滌神氣允然夾輔之大略也有書與子野更督其商歸相過少留為僕印可其已得而詞策其所未至也此外方方自愛

荅謝舉廉書

東坡先生

軾啓近奉違亟辱問訊具審起居佳勝感慰深矣軾受性剛簡多迂才不坐廢累年不敢復齒縉紳自還海北見平生親舊惘然如隔世人況與左右無一日之雅而敢求交乎數賜見問傾蓋如故幸甚過望不可言也所示書教及詩賦雜文觀之熟矣大略如行雲流水初无定質但常行於所當行常止於不可不止又理自然姿態拙生孔子曰言之不文行之不遠又曰辭達

而已矣夫言止於達意則疑若夫文是大不然求物之妙如  
風捕影能使是物了然于心者蓋千萬人而不一遇也而況能  
使了然于口而手者乎是之謂辭達辭至于能達則文不可勝  
用耳楊雄好爲艱深之詞以文淺易之說若正言之則人人知  
之矣此正所謂彫虫篆刻者其太玄法言皆是物也而獨悔於  
賦何哉終身彫虫而獨求其音即便謂之經可乎屈原作離騷  
經蓋風雅之再變者雖與日月爭光可也可以其似賦而謂之  
彫虫乎使賈誼見孔子升堂有余矣而乃以賦鄙之至與司馬  
相如同科雄之陋如此比者甚衆可與知者道難與俗人言也  
因論文偶及之耳歐陽文忠公言文章如精金美玉而有定價  
非人所能以口舌貴賤也紛紛多言豈能有益於左右愧悚不  
已所須惠力法兩堂字賦本不善作大字強作終不佳又身中  
局迫難寫未能如教然軾方過臨江當往遊焉或僧欲有所記  
錄當爲作數句留院中慰左右念觀之意今已至峽山寺少留

即去愈遠惟万万以時自愛不宣貳再拜

荅黃庭堅書

顏瀨先生

轍之不肖何足以求友於魯直然家兄子瞻與魯直往還甚久  
轍與魯直舅氏公擇相知不踈讀君之文誦其詩願一見者久  
矣性拙且懶終不能奉咫尺之書致殷勤於左右乃使魯直以  
書先之其為愧恨可量也自廢棄以來頗然自放鄙訕愈甚見  
者往往嗤笑而魯直猶有以取之觀魯直之書所以見愛者與  
轍之愛魯直无異然則書之先後不君則我未足以為恨也比  
聞魯直更事之餘獨居而蔬食陶然自得蓋古之君子不用於  
世必寄於人物以自遣阮藉以酒嵇康以琴阮無酒嵇无琴則  
其食草木而友麋鹿有不安者矣獨顏氏子飲水啜菽居於陋巷  
无假於外而不改其樂此孔子所以嘆其不可及也今魯直自  
不求色口不求味此其中所有過人遠矣而猶以問人何也聞  
魯直喜與禪僧語蓋聊以是探其有光耶漸寒比日起居甚安

惟以時自重不宣

荅李昭記書

穎濱先生

轍啓女婿王君適自徐還筠承賜以長書侯讀愧歎先以爲喻  
自惟愚拙加以罪戾平時多問指弁不講辭如荒畦敗圃草棘  
狼藉雖追惟時昔耘鋤之勤欲使谷遊步其間而亦慨然自嫌  
不設置足況夫通都大邑之人遍觀天下之巨麗心欲廣大物  
難稱懣乃欲遊目縱覽究其有无豈不嘻笑者哉伏惟君侯壯  
年篤孝才節茂美文章儒教何意適聽如此然聞王君言出入  
孝中逾年稍知日趣所詣蓋耽閱至道忽忘世味每有超然絕  
俗之意聞轍被罪以來自知鄙陋歸耕之計慮之已熟不奈其  
故遽以知道許之夫古之所謂知道者富貴不能淫貧賤不能  
憂夫豈如轍困躓而謀安者耶若夫收其精以治身而斥其土  
直以惠天下此君侯之所當學也而亦何取於轍哉辱賜之厚  
不知所報謹奉啓陳謝伏惟照察不宣

答呂吉甫書

廣陵先生

令頓首吉甫問下序教其厚其所推望期我於君子今乃鄙者  
何能及是乎雖然事固有不然而不容默默令以謂今之庠序非  
古之庠序惟章句是程苟得利者是孝日夜講之幾希而不禍  
仁義也必由今之法度則不待自信之士不由今之法度惟亡  
義是陳則不有問者豈足何哉不有聽者豈足何哉古之人所  
以教者蓋曰不憤不啓不悱不說卒一隅不以三隅反則不復  
也孔子豈不欲盡聞其道哉勢不可耳以謂不若是則人非自  
得之非自得之則資之不深資之不深則居之不安令觀近世  
之士固有力孝矣惟其志意不安於所聞行義不由於道其弊  
在孝之不明知而不信耳孝之不明惑也夫何言哉知而不信  
者由口言之而耳聽之其思不孝乎心故也語曰孝而不思則  
罔思而不孝則殆况欲聚無求之人告以其所安之行耶其不  
聽也必矣假有聽之者君子其告之若是乎今故曰今之庠序

有德者所不居不及德則不敢居然前之所言蓋推明今之所  
同異有德者之為不為耳皆不為不肖教也前日至楊州有以  
其拒府命告之者令怵惕以驚知非其所居也怵惕以驚既不  
得已輒以是告之自以不肖之孝慕于古人者當如是敢自取進  
退於其間也夫世之公卿大夫不謀道德也又美今馮公信賢  
不知令之不肖欲拔之於民衆之編折公卿之勢而以礼加之  
此乃不苟然者蓋有意於道德也今亦以謂令之過以古人望我  
哉虽不及是苟以世人容悅之道報之不尽其所言切以謂不  
忠因自進其區區不謂其傳乃爾也今之不肖不足以信於人  
久矣彼以其所聞之異故驚也夫以无足信之言告不信之人  
傳所驚異之語宜復于上者失令之心也世古甫視令平日之言  
豈不然乎詩非法言与孔子弟子不為詩合語豈有之但傳者  
失令之意耳夫七十子之於仲且日聞所不聞見所不見彼方  
瞻之在前忽然在後何暇以作詩為事乎后世孝聖人者取其



文字而李之數百年其說漫漫其添而遠其言繁其華而不取其實士之捨道德而爭以文字爲孝也今切悲之因其間而及此耳夫古詩之在者三百皆聖人因人言而存者謂其道有在乎是者故不廢也孔子無言曰作是詩者其知道則其他有不及道者矣故其用於詩者可以興可以觀可以群可以怨用是而述之事父則不悖遠之事君則知義夫孝固多術矣欲爲大人者孝爲大人欲爲善人者孝爲善人何謂大人之孝非先王之法言不言非先王之德行不行口无擇言身無擇行者也何謂善人不踐跡亦不入於室者也古詩之得聖人之道者多矣其有不合於聖人者言少乎然其無妄之所存要歸于善則其作於善人者多矣豈容允擇乎士之孝孔子乃知尽信其言而不擇推古之爲者以爲道而教后世乃大放於言以馳騁其末習用壯其夸淫靡麗之爲其間雖有不正者吾恐揚子所謂風一而勸百壯夫固不爲也蓋孔子曰君子於其言无所苟而

已矣如世之作詩者能无苟乎令故廣孔子之意以謂存詩所以載道而不作今世之詩未必不爲道也何以言之夫多聞擇其善者而從之多見而識之此古人之所以卒也施之於古詩不可耶顏子曰博我以文約我以礼夫卒固自有約也夫孔子之言傳于今者盖然其詩有曰不忮不求何用不臧則曰是道也何足以臧豈不尔思室是遠而則曰未之思也夫何遠之有夫孔子豈毀詩者耶言之有不便義之有不尽耳故曰卒者豈可執詩以尽信乎因吉甫之問復自陳其不肖誠一思之四示其末也不宣令再拜

荅張橫渠書

明道先生

承教諭以定性未能不動猶累於外物此賢者慮之熟矣尚何俟小子之言然嘗思之矣敢貢其說於左右所謂定者動亦定靜亦定無將迎無内外苟以外物爲外牽已而從之是以已性爲有内外也且以性爲隨物于外則當其在外時何者爲在內

是有意於絕外誘而不知性之無內外也既以內外爲二本則又烏可遽語定哉夫天地之常以其心普万物而无心聖人之常以其情順万物而无情故君子之孝莫若順然而大公物來而順應易曰貞吉悔亡憧憧往來朋從尔思苟規規於外誘之除將見滅於東而生於西也非惟日之不足顧其端无窮不可得而除也人之情各有所蔽故不能適道大率患在自私而用智自私則不能以有爲爲應迹用智則不能以明覺爲自然今以惡外物之心而求照无物之地是反鑑而索照也易曰艮其背不獲其身行其庭不見其人孟氏亦曰所惡於智者爲其鑿也与其非外而是內不若內外之兩忘也兩忘則澄然無事矣無事則定定則明明則尚何應物之爲累哉聖人之喜以物之當喜聖人之怒以物之當怒是聖人之喜怒不係於心而係於物也是則聖人豈不應於物哉烏得以從外者爲非而更求在內者爲是也今以自私用智之喜怒而視聖人喜怒之正爲如

何哉夫人之情易發而難制者惟怒爲甚第能於怒時遽忘其怒而觀理之是非亦可見外誘之不足惡而於道亦思過半矣心之精微口不能宣加之素拙於文辭又吏事忽忽未能精慮當否付報然舉大要亦當近之矣道近求遠古人所非惟聰明裁之不宣

荅楊時論西銘書

伊川先生

前所寄史論十篇其意甚正才一觀便爲人借去俟更子細看西銘之論則未然橫渠立言誠有過者乃在正蒙西銘之爲書推理以存義擴前聖所未發與孟子性善養氣之論同功二者亦前聖所未發豈墨氏之比哉西銘明理一而分殊墨氏則二本而無分若幼及人理一也愛無差等本一也分殊之蔽私勝而失仁無分之罪兼愛而無義分立而推理一以止私勝之流仁之方也無別而迷兼愛至於無父之極義之賊也子比而同之過矣且謂言体而不及用彼欲使人推而行之本爲用也反

不及不亦異乎

荅張橫渠先生書

伊川先生

東書所論病倦不能詳試以所見道其略幸不責其妄易觀  
吾叔之見至正而謹嚴如虛無即虛則無無之語深探遠闕豈  
後世學者所嘗慮及也然此語未餘所論以大聚氣象言之則  
有苦心極力之象而無寬裕溫厚之氣非明春所服而考索至  
此故意屢徧而言多窒少出入時有之明所照者如目所觀纖  
如掃料於物約見  
房髣耳能无差乎願更完養思慮涵泳義理他日自當條暢何  
日得拜見當以來書為据句句而論字字而議庶及精微率勉  
病軀不能周悉

荅朱長文書

伊川先生

相去之遠未知何日復為會合人事固難前期也中前奉書以  
足下心虛氣損奉勸勿多作詩文而見荅之詞乃曰為孝上能  
探古先之陳迹綜群言之是非欲其心通而默識之固未能也

又曰使後人見之猶庶幾曰不忘乎善也苟不如是誠懼也而  
無聞焉此爲學之末宜兄之見責也使吾日聞夫子之道而志  
乎此豈不善哉言不記書中之此疑未得爲至當之言也其於  
朋友間其間不切者未嘗輒語也以足下廢疾罕與人接屬聞  
議論之益故因此可論而爲吾弟及其談庶幾有小補也句之  
云無多爲文與詩者非止爲傷心與氣也直以不當輕作耳聖  
賢之言不得已也蓋有是言則是理明無是言則天下之理有  
闕焉如彼耒耜陶冶之器一不制則生人之道有不足矣聖賢  
之言雖欲已得乎然其言盡天下之理亦其約也後之人始  
執卷則以文章爲先平生所爲動多於聖人然有之無所補無  
之靡所闕乃無用之贅言也不止贅而已既不得其要則雖直  
失正反害於道必矣詩之盛莫如唐唐人善論文莫如韓愈愈  
所稱獨高學杜二子之詩存者千篇皆吾弟所見也可考而知  
矣苟足下所作皆合於道足以輔翼聖人爲教於道乃聖賢事

業何得為學之末乎其何敢以此奉責又言欲使后人見其不  
志乎善人能為合道之文者知道者也在知道者所以為文之  
心非乃區區懼其無聞於後欲使後人見其不志乎善而已此  
乃世人之私心也夫子疾沒世而名不稱焉者疾沒身無善可  
稱云尔非謂疾無名也名者可以厲中人君子所有非所汲汲  
又云上能探古先之陳迹綜群言之是非欲其心通默識固未  
能也夫心通乎道然後能辨是非如持權衡以較輕重孟子所  
謂知言是也揆之以道則是非了然不待精思而後見也學者  
常以道為本心不通於道而較古人之是非猶不持權衡而決  
輕重竭其目力勞其心志雖使時中亦古人所謂億則屢中君  
子不貴也臨紙還書不復思繹故言無次序多註駁勿訝辭過  
煩矣理或未安却讀下足以代口語